



Broj: 03-04-05-850/16
Sarajevo, 13.01.2016.godine

PREDsjEDATELJICA SKUPŠTINE KANTONA SARAJEVO **Gđa. Ana Babić**

PREDMET: Odgovor na zastupničko/poslaničko pitanje zastupnika/poslanika
Hameda Aljovića

VEZA: Vaš akt, broj: **01-05-32256/15 od 12.01.2016. godine**

Na Desetoj radnoj sjednici Skupštine Kantona Sarajevo, održanoj 29.12.2015. godine, u okviru tačke Dnevnog reda „Poslanička pitanja, inicijative i odgovori“, zastupnik/poslanik Hamed Aljović je postavio slijedeće zastupničko/poslaničko pitanje:

„Molim Ministarstvo pravde i uprave Kantona Sarajevo da mi odgovori koj aktivnosti su poduzeli na izradi nacrtu Zakona o lokalnoj samoupravi Kantona Sarajevo i kada ćete isti uputiti prema Vladi i Skupštini Kantona Sarajevo?“

Ministarstvo pravde i uprave daje slijedeći

O D G O V O R

1. Donošenjem Zakona o principima lokalne samouprave u Federaciji Bosne i Hercegovine 2006. godine, proizašla je obaveza usaglašavanja kantonalnog Zakona o lokalnoj samoupravi („Službene novine Kantona Sarajevo“, 22/00-Precišćeni tekst). Razlozi donošenja novog Zakona o lokalnoj samoupravi su u činjenici da bi usklađivanje važećeg zakona sa Zakonom o principima lokalne samouprave u Federaciji Bosne i Hercegovine iziskivalo izmjenu više od polovine odredaba važećeg zakona, te se stoga pristupilo izradi cjelovitog zakona.
 2. Nacrt Zakona o lokalnoj samoupravi Skupština Kantona Sarajevo je utvrdila na sjednici od 04.05.2010. godine, i stavila ga na javnu raspravu, u kantonalnim organima, jedinicama lokalne samouprave, naučnim i stručnim ustanovama, u trajanju od 90 dana.
 3. U 2011. godini pokrenuta je rasprava o radnom materijalu prijedloga Zakona, koji u nacrtu nije imao utvrđene pojedinačne nadležnosti jedinica lokalne samouprave, koje su u radnom materijalu prijedloga zakona utvrđene pojedinačno za općine izvan Grada Sarajeva, općine u sastavu Grada Sarajeva i za Grad Sarajevo, kao jedinicu lokalne samouprave.
- Na osnovu prijedloga načelnika općina i gradonačelnika, koji su predložili svoje ovlaštene predstavnike za pojedine oblasti, formirana je radna grupa od tih predstavnika kao i predstavnika resornih kantonalnih ministarstava, koja je trebalo da utvrdi konačni tekst prijedloga Zakona o lokalnoj samoupravi, odnosno konačni tekst odredaba kojima se



utvrđuju nadležnosti općina koje su izvan Grada Sarajeva, Grada Sarajeva i općina u sastavu Grada Sarajeva.

Pod pokroviteljstvom OSCE-a, u septembru 2011. godine, održana je završna dvodnevna konferencija – Okrugli sto svih učesnika u raspravi o prijedlogu Zakona o lokalnoj samoupravi, sa radionicama po oblastima, u kojima su učestvovali načelnici, gradonačelnik, ovlašteni predstavnici jedinica lokalne samouprave i resornih ministarstava koji su bili članovi radne grupe, premijer, resorni ministri i predstavnici Saveza općina i gradova Federacije BiH.

Urađen je novi prijedlog Zakona o lokalnoj samoupravi, usaglašen sa zaključcima Okruglog stola, koji je dostavljen u oktobru 2011. godine Savezu općina i gradova Federacije BiH, kako je dogovoren na Okruglom stolu. Savez općina i gradova Federacije BiH, u zaključcima od 3.11.2011. godine, koje nam je dostavio, zaključuje da nadležnosti jedinica lokalne samouprave nisu još uvijek prihvatljive te da se o nadležnostima, bez obzira što donošenje zakona kasni, još treba i mora razgovarati.

4. U 2012. godini, zbog promjena Vlade i ministara, kao i općinskih izbora, nije ništa rađeno na ovom zakonu.
5. Donošenje Zakona o lokalnoj samoupravi predviđeno je u Programu rada Skupštine Kantona Sarajevo za 2013. godinu
6. Materijal prijedloga Zakona o lokalnoj samoupravi dostavljen je 30.01.2013. godine načelnicima općina sa teritorije Kantona Sarajevo, gradonačelniku Grada Sarajeva, Savezu općina i gradova Federacije BiH, svim kantonalnim ministarstvima i klubovima poslanika u Skupštini Kantona Sarajevo, s molbom da ga razmotre i svoje primjedbe, prijedloge i sugestije dostave Ministarstvu pravde i uprave, u roku od tri mjeseca .
Sačinjen je izvještaj o prispjelim primjedbama, prijedlozima i sugestijama, koje su ukazale na suprotne stavove općina u sastavu Grada Sarajeva i Grada Sarajeva u odnosu na utvrđene nadležnosti .
7. Ministarstvo pravde i uprave sazvalo je dana 13.05.2013. godine sastanak sa načelnicima općina na teritoriji Kantona Sarajevo i gradonačelnikom Grada Sarajeva, premijerom, ministrom finansija i predstavnikom Saveza općina i gradova Federacije BiH, na kojem je dogovoren da će općine i Grad Sarajevo dostaviti Savezu općina i gradova FBiH imena svojih predstavnika za radnu grupu koja će, u okviru Saveza općina i gradova FBiH, prečistiti i usaglasiti tekst prijedloga Zakona o lokalnoj samoupravi, odnosno izvršiti utvrđivanje nadležnosti jedinica lokalne samouprave i dostaviti ga Ministarstvu pravde i uprave, radi dalje procedure usvajanja Zakona. Utvrđen je rok za izvršenje dogovorenog od dva mjeseca.
8. Savez općina i gradova je Ministarstvu pravde i uprave Kantona Sarajevo, dana 14.07.2014. godine, dostavio zaključak u kojem navode da ne raspolažu dovoljnim kapacitetima za izradu radnog materijala prijedloga Zakona o lokalnoj samoupravi, te konstatuju da je nadležnost Ministarstva pravde i uprave Kantona Sarajevo za donošenje ovog zakona, te pozivaju sve subjekte čije su nadležnosti tretirane ovim zakonom da iskažu visok stepen toleracije u cilju iznalaženja najboljih rješenja.
9. Ministarstvo pravde i uprave je, na osnovu ranijih konsultacija i zauzetih stavova svih učesnika, pripremilo prijedlog Zakona o lokalnoj samoupravi i uputilo ga Vladi Kantona Sarajevo na razmatranje dana 30.09.2013. godine.
10. Vlada Kantona Sarajevo je na svojoj 38. sjednici održanoj dana 09.10.2013. godine utvrdila prijedlog Zakona o lokalnoj samoupravi i uputila ga u skupštinsku proceduru.
11. Skupština Kantona Sarajevo je na nastavku 30. Radne sjednice održane 13.11.2013. godine razmatrala prijedlog Zakona o lokalnoj samoupravi i nije ga usvojila, jer isti nije dobio



web: <http://mpu.ks.gov.ba>

e-mail: pravda@ks.gov.ba

Tel: + 387 (0) 33 562-083, Fax: + 387 (0) 33 562-241
Sarajevo, Reisa Džemaludina Čauševića 1



natpolovičnu većinu ukupnog broja izabralih poslanika/zastupnika u Skupštini Kantona Sarajevo.

12. Ministarstvo pravde i uprave je ponovo u 2014. godini, pokrenulo aktivnosti na donošenju Zakona o lokalnoj samoupravi iako ovaj zakon nije bio sadržan u Programu rada Skupštine Kantona Sarajevo za 2014. godinu, a sve iz razloga obaveze Kantona Sarajevo da doneše predmetni zakon utvrđene presudom Ustavnog suda Federacije Bosne i Hercegovine, broj U-14/09.

Ministarstvo pravde i uprave Kantona Sarajevo je pripremilo Zakon o lokalnoj samoupravi sa korigovanim rješenjima u odnosu na predhodni tekst Zakona i uputilo ga Vladi Kantona Sarajevo na razmatranje 17.06.2014. godine. Vlada Kantona nije ratmatrala ovaj zakon.

13. Ministarstvo pravde i uprave Kantona Sarajevo je u nacrtu Programa rada Ministarstva za 2016. godinu, u dijelu poslova iz nadležnosti Skupštine Kantona Sarajevo, planiralo aktivnosti na donošenju Zakona o lokalnoj samoupravi.

Predviđena je izrada nacrta Zakona o lokalnoj samoupravi kako slijedi:

- **septembar** 2016. godine – nacrt Vlada;
- **oktobar** 2016. godine – nacrt Skupština;
- **novembar** 2016. godine – prijedlog Vlada;
- **decembar** 2016. godine – prijedlog Skupština.

Planirane aktivnosti na donošenju navedenog zakona će se utvrditi donošenjem Programa rada Skupštine Kantona Sarajevo za 2016. godinu.

S poštovanjem,

Dostaviti:

1. Naslovu;
2. a/a.



Mario Nenadić



web: <http://mpu.ks.gov.ba>

e-mail: pravda@ks.gov.ba

Tel: + 387 (0) 33 562-083, Fax: + 387 (0) 33 562-241
Sarajevo, Reisa Džemaludina Čauševića 1

